


LEIÐBEININGAR MEÐ Inteo-*m*, Aika-*m* og Flash-*m*

Til að tryggja að þú fáið sem besta nýtingu á heyrnartækinu þínu biðjum við þig að lesa eftirfarandi leiðbeiningar gaumgæfilega. Tækið er viðkvæmt fyrir ýmis konar hnjaski og því þarf að meðhöndla það með varkárni. Hér að neðan er yfirlitsmynd er sýnir helstu hluta heyrnartækisins.



1. Hljóðnemaop
2. Kveikt/slökkt
3. Grip fyrir nögl til að auðvelda opnun.

Hægri – rautt
Vinstri – blátt

KVEIKT- SLÖKKT

- Rafhlöðuskúffan er jafnframt rofi til að kveikja og slökka á tækinu.
- Kveikt er á tækinu þegar rafhlöðuskúffan er alveg lokuð. Þá nær tækið straumi frá rafhlöðunni. Slökkt er á tækinu með því að bregða nögl á hakið aftan á skúffunni og toga hana aðeins niður þá rofnar straumurinn frá rafhlöðunni (sjá mynd).
- Munið að slökka alltaf á tækinu þegar tækið er tekið úr eyranu.



TÆKIÐ ER SJÁLFSTILLANDI

Tækið inniheldur litla stafræna tölvu sem hækkar og lækkar sjálfvirk í tækinu eftir umhverfisljóðunum.

Tækið metur umhverfisljóð mörg þúsund sinnum á sekúndu og stillir hljóðstyrkinn eftir því.

Ef þér fellur ekki hljóðstyrkurinn þá þarf að endurstilla tækið þar sem þú fékkst það afgreitt. Sum tæki hafa styrkstilli eða fjarstýringu sem gefa möguleika á að hækka og lækka í tækinu.



RAFHLÖÐU TEGUND

Nota á rafhlöðu nr. 10 (Zinc Air rafhlaða). Umbúðirnar eru gular.

Þessi tegund rafhlöðu er umhverfisvæn og hefur tvöfaldan endingartíma á við kvikasilfurs rafhlöðu. Ónotaðar rafhlöður er hægt að geyma í tvö ár, svo lengi sem límmiðinn hefur ekki verið fjarlægður.

Þegar búið er að fjarlægja límmiðann af rafhlöðunni geta liðið nokkrar sekúndur þangað til hún fer að virka. Notið hverja rafhlöðu þangað til viðvörðunarpípið heyrir.


Komið getur fyrir að rafhlöður séu gallaðar. Prófið þá að setja nýja í. Geymið tækið og sérstaklega rafhlöður þar sem lítil börn ná ekki til.



Ef barn gleypir rafhlöðu þarf strax að leita læknis.

RAFHLAÐA SETT Í TÆKIÐ

Settu rafhlöðuna í skúffuna þannig að plúsinn (+) á rafhlöðunni snúi að plúsinum í rafhlöðuskúffunni. Þú getur notað rafhlöðusegulin sem fylgir með til að stýra rafhlöðunni á réttan stað. Ef rafhlöðuskúffan lokast ekki auðveldlega situr rafhlaðan ekki rétt í skúffunni.



Setjið rafhlöðuna alltaf í skúffuna eins og sýnt er á myndinni en ekki í opna hlutann inni í heyrnartækinu.

Ágætis venja er að meðhöndla tækið alltaf yfir borði / mjúkum fleti. Tækið þolir illa að detta á hart gólf

ENDING RAFHLÖÐUNNAR:

- Fjórir stuttir píptónar eru merki um að rafhlaðan sé nánast tóm og komið að rafhlöðuskiptum. Ef rafhlaðan er að fullu tæmd heyrir ekkert í tækinu.
- Geymið ekki ónýtar rafhlöður í tækinu.
- Á Heyrnar- og talmeinastöðinni fást sérstakir kassar fyrir ónýtar rafhlöður.

Símar:


Þegar talað er í síma með bak-við-eyrað heyrnartæki þarf hátalarinn í símtólinu að liggja við hljóðnema heyrnartækisins. Misjafnt er eftir símtækjum hvað styrkurinn er mikill og hversu nákvæmlega símtólið þarf að liggja upp að heyrnartækinu.



Þegar notuð eru tæki sem falla á bakvið eyrað er gott að hafa í huga þegar talað er í síma að hátalarinn á símtólinu á að liggja sem næst hljóðnemunum á tækinu. Misjafn er hve háværir símar eru sem getur haf áhrif á hve námkvæmlega tólið þarf að liggja við hljóðnemana á heyrnartækinu.

AÐ KOMA TÆKINU FYRIR Í EYRANU

Á skýringarmyndunum er sýnt hvernig best er að koma hlustarstykkinu inn í eyrað og heyrnartækinu upp á eyrað. Best er að hafa slökkt á tækinu meðan verið er að koma tækinu fyrir. Ef kveikt er á tækinu mun það pípa þar til það er komið á réttan stað inni í hlustinni. Til þess að hlustarstykkið renni betur inn í hlustina getur verið ráð að toga eyrnasneppilinn niður með annarri hendinni um leið og hlustarstykkinu er ýtt inn í hlustina með hinni. Ef tækið pípur eftir að hlustarstykkið er komið í eyrað er rétt að endurtaka ísetninguna. Þegar hlustarstykkið er komið inn í eyrað er heyrnartækinu sjálfu brugðið bak við eyrað.



Hlustunarkerfi

Heyrnartækið þitt getur verið með nokkur hlustunarkerfi. Heyrnarfræðingurinn aðstoðar þig við að velja þau kerfi sem henta þér og setur þau inn í heyrnartækið fyrir þig. Þeim er hægt að breyta ef þörf er á. Hægt er að velja milli eftirfarandi kerfa:

Master: Þetta er staðalakerfi fyrir heyrnartækið. Í Masterkerfinu eru allar sjálfvirkar aðgerðir tækisins sem eiga að tryggja þægindi við flestar hlustunaraðstæður.

MEÐHÖNDLUN HEYRNARTÆKJA

Heyrnartækin duga lengur ef þau eru meðhöndluð á réttan hátt. Heyrnartæki á að meðhöndla af varfærni.


Hér eru nokkur ráð til að tækin endist lengur.

- Þegar tækin eru ekki í notkun þá eru þau geymd í kassanum sem fylgdi þeim þegar þau voru keypt. Geymið kassann þar sem börn ná ekki til.
- Ekki láta tækið verða fyrir alltof miklum hita eða raka.
- Notið ekki tækið í geislameðferð t.d. stuttbylgjum, röntgen, sneiðmyndatökum og þess háttar og heldur ekki við notkun hárbólása eða háruða.
- Ekki fara með tækið í sturtu/bað eða sund.
- Slökktu á tækinu þegar það er ekki í notkun. Ef ekki á að nota tækið í lengri tíma (nokkrar vikur/ mánuði) er betra að taka rafhlöðuna úr tækinu. Passið að setja rafhlöðuna rétt í tækið (sjá skýringamynd).
- Fjarlægjið tækið úr eyranu ef úða á t.d. hárlakki eða öðrum efnum í hárið.
- Tækin eru gerð úr efni sem veldur sjaldnast ofnæmisviðbrögðum, þó er ekki hægt að útiloka slíkt.


- Þegar heyrnartæki er notað eykst oft mergsöfnun í hlustinni og mergtappi myndast. Leitið til læknis ef grunur er um að svo sé.

EF HLUSTARSTYKKIÐ ER STÍFLAÐ AF EYRNAMERG.


Eymamergur er ein algengasta ástæða þess að heyrnartæki starfar ekki eins og ætlast er til. Við daglega notkun eru líkur á að mergurinn þrýsti sér inn í hlustarstykkið og loki því fyrir eðlilega leið hljóðsins. Til að verjast þessu vandamáli er nauðsynlegt að þvo hlustarstykkið reglulega. Á myndaröðinni hér fyrir neðan sést hvernig þetta er gert. Gott getur verið að láta stykkið liggja í volgu sápuvatni yfir nótt og bursta það síðan. Áður en stykkið er tengt við tækið aftur þarf að blása vel í gegnum hljóðrásina (hægt að blása í gegnum slönguna). Athugið að skipta um slönguna ef hún er orðin stíf.



1. Losið hlustarstykkið frá tækinu



2. Leggið stykkið í bleyti eða rennandi volgt vatn



3. Blásið vatnið úr rásunum

ÞAÐ ER AÐEINS EIN LEIÐ.....

Það er ekki til nein einföld eða fullkomin aðferð við að aðlagast heyrnartæki. Aðeins markviss þjálfun og þolinmæði hjálpar þér til þess að venjast tækinu og nýta kosti þess. Heyrnartækið gefur þér ekki "eðlilega" heyrn, en það gerir þér mögulegt að heyra og skilja hvað annað fólk segir. Með tækinu heyrir þú ýmis konar hljóð úr umhverfinu sem þú hefur ekki heyrt nema takmarkað undanfarið. Ekki gefast upp - þetta tekur tíma. Margir vanir heyrnartækjanotendur geta staðfest að þolinmæðin sé erfiðisins virði. Því fyrr sem þú venur þig á að nota heyrnartækið daglega því betur gengur það. Notaðu þann tíma og þá orku sem þarf til að venjast tækinu, það er ómaksins virði.

ÝMIS VANDAMÁL

EINKENNI	ÁSTÆÐUR	LAUSNIR
Tækið virkar ekki	Slökkt er á tækinu. Rafhlaðan er ónýtt. Hlustarstykki stíflað.	Kveiktu á tækinu. Settu nýja rafhlöðu í tækið, passaðu að rafhlaðan snúi rétt. Hreinsið hlustarstykkið.
Hljóðstyrkurinn ekki nógu hár	Mergur í hlust. Breyting á heyrn.	Farið til læknis. Hafið samband við lækni eða Heyrnar- og talmeinastöðina.
Flaut eða ýl í tækinu	Tækið situr ekki rétt í eyranu. Mergur í hlust.	Settu tækið betur inn í eyrað. Farið til læknis.